




BIBLIOTHECA  
S. AUGUSTINI  
E. GRAEVENSIS

8212-


- 8216


Augustiniae

1574



AUG. 8212-  
- 8216





CONCLUSIONES  
THEOLOGICÆ

Juxta Mentem S. THOMÆ Aquinatis Angelici  
Quinti Ecclesiæ DOCTORIS.

*Infra Ejsdem annua Festivitatæ Solemnem Octavam*

P R O

Publicis Disputationibus in Conventu & Studio Generali  
Cracoviensi ad Ædem SSmæ TRINITATIS PP. Ord.  
Prædicatorum

EXPOSITÆ.

*Anno Domini 1775. Mense Martio.*

---

CRACOVIAE Typis Collegii Majoris Universitatis.

Volumus & tenore præsentium vobis injungimus,  
ut Beati Thomæ Doctrinam tanquam veridicam, &  
Catholicam sectemini, eamq; studeatis totis viribus  
ampliare, *Urbanus V. ad Tolosanam Academicam.*

Hujus Doctoris (1) Doctrina præ cæteris exceptâ  
Canonicâ, habet proprietatem verborum, modum di-  
cendorum, veritatem Sententiarum: ita ut nunquam  
qui eam tenuerit inveniatur à veritatis tramite devias-  
se, & qui eam oppugnaverit, semper fuerit de veritate  
suspectus. *Innocentius VI.*

Doctrinæ S. Thomæ Aquinatis Divinæ Volunta-  
tis interpretis, vitæ sanctitate & miraculis clari, tan-  
tùm fuit tributum, ut Christianæ eruditionis suæ, Di-  
vinum etiam illud habeat testimonium, sicuti piè te-  
statur historia: Bene de me Thomæ scripsisti.

*Benedictus XIV. in Brevis dato A<sup>o</sup>. 1752.*

(1) idest S. Thomæ de eo enim loquitur:

Aug. 8212-8216



## Ex Tractatu De Virtutibus in Communi.

I.

**A**ppetitus Sensitiuus, prout Natus est Obedire rationi, est subiectum Virtutis, scilicet Temperantia & Fortitudinis.

II.

**P**ræter Virtutes Morales acquisitas, sunt aliæ à Deo per se nobis infusæ.

III.

**V**irtutes morales acquisitæ in statu perfecto sunt ita inter se connectæ, ut qui unâ caret, nullam perfectè habeat.

IV.

**P**ossunt esse sinè charitate veræ Virtutes morales acquisitæ, sicut fuerunt in multis gentilibus, sed imperfectæ.

## Ex Tractatu De Vitiis & Peccatis.

I.

**O**mne vitium, tam illud quòd opponitur virtutibus acquisitis, quàm illud, quod opponitur Virtutibus infusis, est contra naturam hominis.

II.

**P**eccatum Commissionis in ratione mali moralis formaliter constituitur per aliquid positivum, scilicet per tendentiam actus humani ad Objectum ut regulis morum difforme.

III.

**P**eccatum Omissionis fit inchoativè & quo ad affectum quando ponitur Causa; consumativè verò & quo ad effectum; quando adest tempus implendi, modo tamen omissio maneat Voluntariâ in sua causa.

IV.

**P**eccata Commissionis & Omissionis in esse moris considerata, si circa idem objectum ex eodem motivo procedant, sunt ejusdem speciei.

V.

**N**on tamen omnia sunt paria.

2(

VI.

VII.

**V**oluntas est subjectum peccati formaliter sumpti.

VIII.

**V**erum non solum duntaxat Voluntas, sed etiam appetitus sensitivus & ratio sunt subjectum peccati formaliter sumpti, non tamen membra, aut sensus externi.

IX.

**N**ullum peccatum formaliter sumptum etiam Veniale potest esse in, & à solo appetitu Sensitivo, absq; actuali aliquo influxu, saltem interpretativo Voluntatis.

X.

**U**ndè motus sensualitatis primò primi, nimirum qui omnem rationis advertentiam prævertunt, aut ii quos inviti patimur, quantumvis versentur circa objecta graviter illicita, non sunt peccata, nequidem Venialia.

XI.

**P**otest dari ignorantia invincibilis juris positivi Divini non solum apud Infideles, quibus non est annunciatum Evengelium, sed etiam apud Fideles, quibus est annunciatum.

XII.

**E**adem ignorantia potest dari in adultis perfectum usum rationis habentibus, juris naturæ quo ad præcepta remotiora & obscuriora.

XIII.

**E**jusdem juris Naturæ ignorantia invincibilis excusat à peccato formali operantem ex ea.

XIV.

**D**EUS nec est, nec esse potest per se & directè causa peccati.

XV.

**P**eccatum Originale, secundum Fidem Catholicam tenendum est traduci in Posteris Adæ.

XVI.

**H**ujus peccati essentia, seu formale constitutivum consistit in privatione justitiæ Originalis quo ad primarium ejus effectum, ut Voluntaria nobis Voluntate Capitis.

XVII.

**F**abulosum est Præ-Adamitarum systema, Verbo Dei contrarium, & nullo probabili fundamento nixum.

XVIII.

**P**arvuli morientes cum solo originali peccato non patiuntur prænam sensus.

XIX.



## XIX.

**I**dem morientes cum solo originali, nullam tristitiam nullumve dolorem percipiunt ex privatione Visionis Beatificæ, non sunt tamen Beati Beatitudine naturali.

## XX.

**D**antur peccata venialia, non solum ex conditione peccantis, aut ex Dei misericordia, sed ex natura sua à mortalibus distincta.

## Ex Tractatu de Sacramento Pænitentia.

## I.

**C**hristus Dominus concessit Ecclesie suæ Potestatem remittendi peccata omnia post Baptismum commissa, quanquam ea gravissima fuerint, adeo ut nullum prorsus sit in hac vita crimen irremissibile.

## II.

**P**ænitentia, quæ in Ecclesia agitur, est verum & propriè dictum Sacramentum à Sacramento Baptismi ejusq; memoria distinctum.

## III.

**M**ateria remota ejusmodi Sacramenti Pænitentia sunt peccata post Baptismum commissa, ut detestanda & destruenda: mortalia quidem, materia necessaria, venialia verò, materia libera. Actus autem pænitentis videlicet: Contritio, Confessio, & satisfactio habent rationem materiae proximæ, seu partium materialium componentium intrinsecè hoc Sacramentum.

## IV.

**F**orma conveniens & legitima dicti Sacramenti, communiter his exprimitur verbis: Ego absolvo te à peccatis tuis &c. Sacerdosq; eorum prolatione non solum declarat, seu ostendit peccata esse dimissa, sed ea verè remittit.

## V.

**I**n Sacerdote tamen præter potestatem Ordinis, necessaria est potestas Jurisdictionis vel ordinaria, vel delegata non solum ut licita, sed etiam ut valida sit ejus absolutio.

## VI.

**P**ænitentia, si sermo de ea instituatur prout est virtus, certum est eam quoq; esse virtutem propriè dictam.

## VII.

VII.

**E**ffectus Pœnitentiæ internæ est remissio omnium peccatorum, quo ad culpam & pœnam æternam.

VIII.

**D**imissâ nihilominus culpâ, & pœnæ æternæ reatu, peccator sæpe numero manet obnoxius pœnæ temporali luendæ vel in hac vita per actus satisfactorios, vel in alia per supplicium Purgatorii.

IX.

**U**num peccatum mortale nequit homini per pœnitentiam remitti sine alio.

X.

**P**eccatum etiam veniale non potest remitti sine ulla pœnitentiâ, quæ tamen non necessariò debet esse Pœnitentiâ formalis, sed sufficit virtualis.

XI.

**R**emissa semel per pœnitentiam peccata non redeunt simpliciter per peccatum subsequens, sed secundùm quid tantùm.

XII.

**O**pera tamen bona per peccatum mortificata reviviscunt per pœnitentiam, & quidem secundùm gradum & mensuram dispositionis, seu contritionis, quâ peccator resurgit pœnitentiâ sequenti.

### De Partibus Sacramenti Pœnitentiæ.

I.

**C**ontritio est animi dolor ac detestatio de peccato commisso cum proposito non peccandi de cæterò.

II.

**E**ssentia Contritionis non consistit formaliter in his tribus, sc: in dolore, odio, & proposito, sed formaliter in solo dolore, præsuppositivè in odio, & consecutivè in proposito.

III.

**Q**uamvis omnibus sit syadendum tanquam salutare consilium, statim post peccatum conteritur: Attamen præceptum contritionis, non obligat per se statim ac peccatum commissum est, nec statim ac memoriæ occurrit, neq; singulis Dominicis, & Festis.

IV.

## IV.

**C**ontritio Charitate perfecta non solum in casu necessitatis, sed etiam extra casum necessitatis hominem Deo reconciliat, antequam Sacramentum actu suscipiatur.

## V.

**A**tritio seu dolor de peccatis ex solo gehennæ metu, sine Dei amore benevolo etiam si non dum sit satis efficax ut absolute excludat omnem peccandi voluntatem, si tamen ad id conetur, & inducat, nec sit serviliter servilis, est bonus, honestus & utilis.

## VI.

**C**æterum ad Justificationem cum Sacramento Pœnitentiæ consequendam atritio metu concepta non sufficit, sed necessarius est amor Dei benevolus.

## VII.

**C**onfessio Sacramentalis est omnibus post Baptismum lapsis necessaria Jure Divino, ut pote à Christo Domino instituta.

## VIII.

**P**ræceptum Ecclesiasticum Confessionis obligat semel in anno.

## IX.

**L**egitimus autem Minister hujusce Confessionis Sacramentalis est solus Sacerdos.

## X.

**C**onfessio annua facta cuilibet Sacerdoti à summo Pontifice vel Episcopo delegato & approbato, non requisito consensu Sacerdotis Parochialis, est valida, & licita, eaq; satisfit Canonis: *Omnis utriusq; sexus.*

## XI.

**R**eligiosi Mendicantes habent Jurisdictionem excipiendi Confessiones Sacularium à summis Pontificibus mediante approbatione Episcopi.

## XII.

**Q**uilibet pœnitens in fine vitæ hoc est in articulo mortis potest absolvi à quolibet Sacerdote, consequenter etiam ab excommunicato, degradato, schismatico, hæretico.

## XIII.

XIII.

**A**bsolutio differenda est consuetudinario, qui semel atq; iterum  
amonitus, & correptus à Confessario, neglexit remedia ab ipso  
præscripta, nec se emendavit, quousq; factis emendationem proba-  
verit; quantumvis dicat nunc se penitere, & esse ad omnia pa-  
ratum.

XIV.

**S**acerdos jure naturali, Divino, & humano, prohibetur revelare  
Sin quovis casu, sive directè, sive indirectè peccata audita in Con-  
fessione Sacramentali.

**Ad Majorem DEI Gloriam B. V. MARIE Honorem  
S. THOMAE Aquin: Ang: quinti Ecclesie Doctoris  
ac OO. SS. Venerationem,**



no:

Biblioteka Jagiellońska



std/0026627

